

De Ewwerschter Gaafsehenker

von Erich Kraft

En Bauer is mol vor etliche Johrn
mit seune Gaaf aus Ewwerscht gelaafe.
Zum Diehmoart wollt-er, unn hatt sich geschworn,
fer deier Geld deß Dier zu verkaafe.

E Prachtstuck woar's, deß muß mer schon saache,
's woar dem Bauer seu allerbest Zucht.
E gut Milch gab deß Dier, die konnt mer vertraache,
unn de Kees dodevo hot mer aach gern versucht.

En Hauße Geld mißt deß Dierche eubringe,
deß seegt der Bauer so vor sich hie,
es woar noch net alt, konnt' noch ordentlich springe,
unn's verkaafe macht dann bestimmt kaa Mieh'.

Unnerwägs hot deß Dier alsfort am Saalche gezobbelt,
unn er hatt' schon seu Last mit dere zabbliche Gaaf.
Er muß-se gut festhalte, sunst wär se'm fortgehobbelt,
unn bald hott-er geschwitzt, unn es wurd-em ganz haafß.

Rad woar es grad Summer unn richdisch schee woarm,
unn de Wäg dorch de Wald wollt' nemme kaa End.
Die Sunn hot gebrennt uff seu weniche Hoarn,
unn vor Dorstd unn vor Hitz hot-er net-meh gekennt.

Doch midde im Wald, do lag ja zum Glick
am Bahndamm denäwe e Gastwertshaft.
Do konnt-er verschnaufe unn ruhe e Stuck,
unn hett' fer de weitere Wäg aach Kraft.

Bevor er eneugeht, die Gaaf mit Bedacht,-
damit-se net dorchgeht, deß laafische Oos -,
hot mit'm Saal an de Bahnschrank festgemacht,
do konnt' se recht zobbelle, deß kriegt' se net los.

Jetzt endlich konnt' unser Bauer was trinke,
e scheenes Maß Bier unn orndlich gekiehl.
Eifrig dhut-er de Wertsfraa beiwinke,
unn bald hot-er sich richdisch wohlgefielt.

Doch blieb deß nadiertlich net bloß bei aam Schobbe.
Bei lustische Leit, do hot-mer doch Spaß.
Er wollt', scheunt's, net fortgeh, wollt alsfort nor hocke,
unn längst vergesse schon woar die arm Gaafß.

Mit schwankendem Schritt, so dabbt'er enaus,
unn hot an die Gaaf aach wieder gedenkt.
Doch die Bahnschrank woar oowe, unn deß Dierche, o Graus,
woar dorch dem Bauer seu Bleedheit schon uffgehenkt.

Do fiel-em vor Schrecke seu Hertz in die Huse.
„Was mach ich dann jetzt beim Diehmoart?“, so denkt-er,
doch die Gaaf hatt' ihr Lääwenslicht längst ausgeblöse,
und seitdem haafst mer uns „Gaafsehenker“!

